

Na osnovu člana 13. stav (1) i stav (2) tačka 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 9. stav (1) tačka 2. i člana 29. stav (1) tačka 2. Zakona o lokalnoj samoupravi („Službene novine Kantona Sarajevo“, broj: 22/00 – Prečišćeni tekst), člana 171. stav (1) tačka 3. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 38/14 – Prečišćeni tekst, 38/16, 44/17, 28/18, 52/21 i 40/22), člana 70. stav (1) tačka 2. i Statuta Općine Vogošća („Službene novine Kantona Sarajevo“, br. 27/14 – Prečišćeni tekst, 14/15 i 9/20) Općinsko vijeće Vogošća, na sjednici održanoj dana, 28.12.2023. godine, donijelo je:

## **ODLUKU O ODOBRAVANJU I ISPLATI JEDNOKRATNE NOVČANE POMOĆI LICIMA U STANJU SOCIJALNE POTREBE ZA 2024. GODINU**

### **Član 1.**

Ovom Odlukom utvrđuje se postupak za odobravanje i isplatu jednokratne novčane pomoći licima u stanju socijalne potrebe, sa područja općine Vogošća.

### **Član 2.**

Jednokratna novčana pomoć može se dodijeliti licima utvrđenim Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16, 44/17, 28/18, 52/21 i 40/22), kao i licima koje predloži Služba za boračko-invalidsku i socijalnu zaštitu Općine Vogošća.

### **Član 3.**

(1) Postupak za dodjelu jednokratne novčane pomoći provodi Komisija imenovana od strane općinskog Načelnika.

(2) Jednokratnu novčanu pomoć odobrava općinski Načelnik na prijedlog Komisije.

### **Član 4.**

Isplata jednokratne novčane pomoći vršit će se putem blagajne Službe za budžet i finansije Općine Vogošća ili uplatom na tekući račun lica iz člana 2. ove Odluke.

### **Član 5.**

Podnosioci zahtjeva dužni su priložiti dokumentaciju kojom dokazuju stanje socijalne potrebe.

### **Član 6.**

(1) Jednokratna novčana pomoć se dodjeljuje u iznosu do 150,00 (stotinupedeset) KM.

(2) Pravo na jednokratnu novčanu pomoć može se dodijeliti korisniku u okviru jednog domaćinstva najviše tri puta u toku jedne kalendarske godine, u ukupnom iznosu koji ne prelazi visinu izuzetne novčane pomoći utvrđenu Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" br. 38/14 – Prečišćeni tekst, 38/16, 44/17, 28/18, 52/21 i 40/22).

### **Član 7.**

Izuzetna novčana pomoć se dodjeljuje u iznosu do 300,00 (tristotine) KM i može se dodijeliti istom korisniku samo jedanput u toku kalendarske godine.

### **Član 8.**

(1) Osobi koja se nađe u stanju izuzetne socijalne potrebe može se dodijeliti izuzetna novčana pomoć.

(2) Izuzetna socijalna potreba je potreba koja se ne može zadovoljiti jednokratnom novčanom pomoći.

### **Član 9.**

Jednokratna novčana pomoć se može dodijeliti i u naturi, ukoliko postoji sumnja da bi se novčana sredstva mogla nenamjenski utrošiti, što procjenjuje Komisija.

### **Član 10.**

Osobe i porodice koje se nađu u stanju socijalne potrebe iz razloga koji nisu propisani Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, br. 36/99, 54/04, 39/06, 14/09, 45/16, 40/18 i 16/23) i Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16, 44/17, 28/18, 52/21 i 40/22), na osnovu mišljenja i prijedloga Komisije, mogu ostvariti pravo na jednokratnu ili izuzetnu novčanu pomoć.

### **Član 11.**

(1) Ova Odluka stupa na snagu osam dana nakon objave u „Službenim novinama Kantona Sarajevo“.

(2) Stupanjem na snagu ove Odluke, prestaje da važi Odluka o odobravanju i isplati jednokratne novčane pomoći licima u stanju socijalne potrebe za 2023. godinu.

Broj:01-02-2252/23

Vogošća, 28.12.2023.godine



